

11 августа 2013 года. Неделя 7 по Пятидесятнице. Глас 6.

Мученика Каллиника.

ВСЕНОЩНОЕ БДЕНИЕ. КАНОН

ПЕСНЬ 1:

КАНОН ВОСКРЕСНЫЙ, ГЛАС 6:

Ирмос: Яко по сѹху, пешешествовав Израиль/ по бездне стопами,/ гонителя фараона/ видя потопляема,/ Бѳгу/ побѣдную песнь// поим, вопияше.

Припев: Слава, Гѳсподи, святому Воскресѣнию Твоему.

Тропарь: Распростѣртыма дланьма на крестѣ,/ отѣческаго испѳлнил еси благоволенія, благій Иисусе, всяческая.// Тѣмже побѣдную песнь Тебѣ вси поим.

Припев: Слава, Гѳсподи, святому Воскресѣнию Твоему.

Тропарь: Страхом к Тебѣ, яко рабыня, смерть/ повелѣна приступи Владыце животата,// тою подающему нам безконѣчный живѳт и воскресѣние.

Припев: Пресвятая Богородице, спаси нас.

Богородичен: Своего приѣмши Содѣтеля, яко Сам восхотѣ,/ от безсеменнаго Твоего чрева, паче ума воплощѣема, Чистая,// тварей войстинну явилася еси, Владычица.

КАНОН КРЕТОВОСКРЕСНЫЙ, ГЛАС 6:

Припев: Слава, Гѳсподи, Кресту Твоему честному и Воскресѣнию.

Тропарь: Судилищу Пилатову предстоит хотя/ беззаконному суду, яко судимь, Судия,/ и от руки неправды по лицу зашѣется Бог,// егоже трепещут земля, и небѣсная.

Припев: Слава, Гѳсподи, Кресту Твоему честному и Воскресѣнию.

Тропарь: Простѣрл еси божѣственней длани Твои, Спасе,/ на пречистем Твоем и живонѳснем Крестѣ:/ и собрал еси языки в познание Твое, Владыко,// поклоняющияся, Гѳсподи, славному Твоему распятию.

Припев: Пресвятая Богородице, спаси нас.

Крестобогородичен: Стояше, слез истѳчники испущающи, Пренепорѳчная/ при Крестѣ Твоем, Спасе,/ яже от ребра Твоего капли кровей зрящи, Христѣ,// и Твою безприкладную милость славащи.

КАНОН БОГОРОДИЦЫ, ГЛАС 6:

Припев: Пресвятая Богородице, спаси нас.

Тропарь: Причѣщшися Ева саду, преслушаннаго брашна, клятву введѣ:/ но сию разрешила еси, Чистая,// благословѣния начѣток Христѣ рѳждши.

Припев: Пресвятая Богородице, спаси нас.

Тропарь: Яже бисера от божественных молнии Христа рождши,/ страстей моих мглу, и прегрешений смущение, Чистая,// разжени светом Твоей светлости.

Припев: Пресвятая Богородице, спаси нас.

Тропарь: Языков чаяние, Иаков из Тебе воплощаемого/ предзряше тайно умными очима Бога,/ избавльшаго нас ходатайством Твоим.

КАНОН МУЧЕНИКА КАЛЛИНИКА, ГЛАС 4:

Припев: Святой мучениче Каллиниче, моли Бога о нас.

Тропарь: На колесницу мысленную всед,/ яко воистинну тристаты потопил еси мысленнаго Египта// во струях крови твоея, мучеников похвалю Каллиниче.

Припев: Святой мучениче Каллиниче, моли Бога о нас.

Тропарь: Божественною одеждою одеваясь, мудре,/ одежды земных совлёкся еси, преблаженне,// и к подвигу потекл еси, и врага посрамил еси.

Слава Отцу, и Сыну, и Святому Духу.

Тропарь: Разорив вражия многоплетенных козни узами страданий твоих,/ и недействена сего повергл еси на землю, Каллиниче,// и ногами твоими поправ еси.

И ныне и присно и во веки веков, аминь.

Богородичен: Юже пророческий провиде лик,/ яко дверь Небесную и неопалимую купину,// Тя, Дево Мати Чистая, Бога рождшую познахом.

КАТАВАСИЯ, ГЛАС 4:

Хор: Отверзу уста моя,/ и наполнятся Духа,/ и слово отрыгну Царице Матери,/ и явлюся, светло торжествуя,// и воспою, радуясь, Тебя чудеса.

ПЕСНЬ 3:

КАНОН ВОСКРЕСНЫЙ, ГЛАС 6:

Ирмос: Несть свят,/ якоже Ты, Господи Боже мой,/ вознесый рог верных Твоих, Блаже,/ и утвердивый нас на камени// исповедания Твоего.

Припев: Слава, Господи, святому Воскресению Твоему.

Тропарь: Бога распинаема плотию зрящи тварь, растаявшаеся страхом:// но содержительною дланию нас ради Распятого, крепко держима бе.

Припев: Слава, Господи, святому Воскресению Твоему.

Тропарь: Смертию смерть разорена лежит окаянная без дыхания:/ Живота бо не терпящи божественнаго приражения,// умерщвляется крепкий, и даруется

всем воскресение.

Припев: Пресвятая Богородице, спаси нас.

Богородичен: Божественнаго рождества Твоего, Чистая, / всякий естества чин превосходит чудо: / Бога бо преестественно зачала еси во чреве, // и рождши пребываеши присно Дева.

КАНОН КРЕТОВОСКРЕСНЫЙ, ГЛАС 6:

Припев: Слава, Господи, Кресту Твоему честному и Воскресению.

Тропарь: Во гробе тридневствовавый / воскресил еси животворящим востанием Твоим прежде умерщвленных, / и осуждения разрешившися, радостно веселяхуся, // се избавление пришел еси, Господи, взывающе.

Припев: Слава, Господи, Кресту Твоему честному и Воскресению.

Тропарь: Слава Твоему востанию, Спасе наш, / яко нас от ада тления, и смерти избавил еси, яко Всесилен, / и поюще глаголем: // несть свят разве Тебе, Господи Человеколюбче.

Припев: Пресвятая Богородице, спаси нас.

Богородичен: Ты от Тебе рождшагося яко видела еси уязвлена копием, / уязвилася еси сердцем, Пресвятая всенепорочная, / и ужасающихся глаголала еси: // что Тебе воздаде, Чадо, народ пребеззаконный?

КАНОН БОГОРОДИЦЫ, ГЛАС 6:

Припев: Пресвятая Богородице, спаси нас.

Тропарь: Тленную мою плоть и смертную, Всечистая Богомати, / из чрева Твоего неказанно прием Благий, // и обезтленив сию, вечно Себе связал есть.

Припев: Пресвятая Богородице, спаси нас.

Тропарь: Бога воплощаемая из Тебе зряще, Дево, / ужасохуся страхом лица ангельстии, // и яко Матерь Божию немолчными песнями Тя почитают.

Припев: Пресвятая Богородице, спаси нас.

Тропарь: Ужасеся, гору умную видев Тя пророк Даниил, / из неже камень отсечеса кроме рук: // и демонская капища, Богомати, крепко сокруши.

КАНОН МУЧЕНИКА КАЛИНИКА, ГЛАС 4:

Припев: Святыи мучениче Каллиниче, моли Бога о нас.

Тропарь: Христовою любовью уязвляемь, мученик взываше, в подвизах претерпевая: // во благовоние теку мира, последуя страсти Твоей страданием крове.

Припев: Святыи мучениче Каллиниче, моли Бога о нас.

Тропарь: Без навета соблюлся еси от стрел змийных: / твою бо пята мудрец в

ра́нах претѣр, главѹ своѹ сокруши́, // Калли́ниче, во страда́ниих твои́х.

Сла́ва Отцу́, и Сы́ну, и Свято́му Ду́ху.

Тропа́рь: **Посѣк прѣлести те́рние мечѣм духо́вным, / Христо́вы ве́ры нелѣстно плод принѣсл еси́, всеблаже́нне, // сторичный бо́лезней твои́х Влады́це твоemú.**

И ны́не и прѣсно и во ве́ки веко́в, ами́нь.

Богоро́дичен: **Несказáнна Рожде́ства рождѣния Ты еди́на Ма́ти была́ еси́, / во утробѣ Твоѣй заче́нши Ё́же прѣжде Тебе́ Бо́га Сло́ва, // и млеко́м пита́ла еси́, Пре́чистая, я́ко Младѣнца, Безнача́льнаго.**

КАТАВА́СИЯ, ГЛАС 4:

Хор: **Твоя́ песносло́вцы, Богоро́дице, / Живы́й и Незавѣстный Исто́чнице, / лик себе́ совоку́пльшия, духо́вно утверди́, / в Божѣственней Твоѣй сла́ве // венце́в сла́вы сподо́би.**

ЕКТЕНІЯ МА́ЛАЯ...

КОНДА́К МУ́ЧЕНИКА КАЛЛИ́НИКА, ГЛАС 2:

Го́рняя кра́сная досто́йно ны́не насле́довал еси́: / Христо́вою бо зело́ лю́бвию разже́гся, / на огонь, Калли́ниче, тем му́жественно дерзну́л еси́, / Ему́же и ны́не предсто́я, // не преста́й моля́ о всех нас.

СЕДА́ЛЕН МУ́ЧЕНИКА КАЛЛИ́НИКА, ГЛАС 3:

Ре́вность Божѣственную в души́ твоѣй имѣя, сла́вне, / беззаконну́ющия все́е терпели́вно обличы́л еси́ / и, прибли́жився му́кам, прошѣл еси́ твой по́двиг до́блим умом, му́чениче Калли́ниче. // Христа́ Бо́га моли́ дарова́ти нам ве́лию ми́лость.

Сла́ва Отцу́ и Сы́ну и Свято́му Ду́ху и ны́не и прѣсно и во ве́ки веко́в. Ами́нь.

БОГОРО́ДИЧЕН ИЗ МИНЕ́И, ГЛАС 3:

Божественнаго естества́ не отлуч́ся, плоть быв во чре́ве Твоѣм, / но Бог во́человѣчся и пребы́сть, / Ё́же по рождестве́ Ма́терь Тя Де́ву, / я́ко прѣжде рождества́ сохра́нив Всенепоро́чну, еди́н Госпо́дь. // Того́ приле́жно моли́ дарова́ти нам ве́лию ми́лость.

ПЕСНЬ 4:

КАНО́Н ВОСКРЕ́СНЫЙ, ГЛАС 6:

Ирмо́с: **Христо́с моя́ си́ла, / Бог и Госпо́дь, / честна́я Це́рковь / Боголе́пно поѣт, взыва́ющи, // от смы́сла чѣста о Го́споде прáзднующи.**

Припев: **Сла́ва, Го́споди, свято́му Воскресе́нию Твоemú.**

Тропарь: Древо процвело есть, Христэ, истинныя жизни:/ крест бо водрузи́ся,/ и напоён быв кровию и водою от нетленнаго Твоего ребра,// живёт нам прозябё.

Припев: Сла́ва, Го́споди, свято́му Воскресе́нию Твоему́.

Тропарь: Не ктому́ змий мне лóжне обожéние подлага́ет:/ Христóс бо богодéлатель челове́ческаго естества́,// ны́не невозбра́нно стезю́ живота́ мне отвéрзе.

Припев: Пресвята́я Богоро́дице, спаси́ нас.

Богородичен: Я́ко воистинну неизвещáнна и непостижи́ма,/ я́же Твоего́ боголéпнаго, Богоро́дице, суть рожества́,// сущим на земли́ и на небеси́, Присноде́во, та́инства.

КАНО́Н КРЕСТОВОСКРЕ́СНЫЙ, ГЛАС 6:

Припев: Сла́ва, Го́споди, Кресту́ Твоему́ честно́му и Воскресе́нию.

Тропарь: Честно́й крест Твой почита́ем, и гвóзди, Христэ,/ и свято́е копи́е с трóстию, венéц я́же от те́рний,// я́миже от а́дова истлéния избáвихомся.

Припев: Сла́ва, Го́споди, Кресту́ Твоему́ честно́му и Воскресе́нию.

Тропарь: Гроб, Спа́се, Тя подъя́т волею́ ме́ртва о нас я́вльшагося,/ но ника́коже возмо́же, Сло́ве, удержа́ти:// я́ко Бог бо воскрeсл еси́, спаса́я род наш.

Припев: Пресвята́я Богоро́дице, спаси́ нас.

Крестобогородичен: Богороди́тельнице Присноде́во,/ Спа́са Христа́ челове́ком рóждшая,/ от бед и мук избáви нас,// прибега́ющих ве́рою к божéственному покрóву Твоему́.

КАНО́Н БОГОРО́ДИЦЫ, ГЛАС 6:

Припев: Пресвята́я Богоро́дице, спаси́ нас.

Тропа́рь: Поём, Пречы́стая, Тебе́ Всенепоро́чную,/ я́же Тобо́ю спáсшиися,/ и благоче́стно пою́ще взывáем:// благословéнна, я́же Бо́га, Присноде́во, рóждшая.

Припев: Пресвята́я Богоро́дице, спаси́ нас.

Тропа́рь: Свет незаходимый, Де́во, родила́ еси́,/ сущим во тьме жития́,/ плóтию светя́щ, Всеблаже́нная, и пою́щим Тя,// ра́дость, Присноде́во, источила́ еси́.

Припев: Пресвята́я Богоро́дице, спаси́ нас.

Тропа́рь: Благода́ть процветé, зако́н престá Тобо́ю, Всесвята́я:/ Ты бо, Чы́стая, родила́ еси́ Го́спода,// подаю́щаго нам, Присноде́во, оставлéние.

КАНО́Н МУ́ЧЕНИКА КАЛЛИ́НИКА, ГЛАС 4:

Припев: **Святы́й му́чениче Каллини́че, моли́ Бо́га о нас.**

Тропа́рь: **Омы́ваясь в струя́х твои́х кровей, преблаже́нне, яви́лся еси́ чистей́ший ду́хом// и в наслажде́ние дости́гл еси́ безплотных, му́чениче Каллини́че.**

Припев: **Святы́й му́чениче Каллини́че, моли́ Бо́га о нас.**

Тропа́рь: **Ка́мень че́стен воистинну назда́лся еси́ Це́ркви,/ и хра́мы идо́льския струсил еси́, и на зе́млю низложи́л еси́// неукло́нным сопроти́влением страда́ний твои́х.**

Сла́ва Отцу́, и Сы́ну, и Свято́му Ду́ху.

Тропа́рь: **Смертоно́сная враго́в ласка́ния/ воистинну отрёнул еси́, му́чениче, словеси́ духо́вными// и, душе́ю укрепля́емь, на прелесть поста́вил еси́ побéду.**

И ны́не и прѣсно и во ве́ки веко́в, ами́нь.

Богоро́дичен: **Ны́не Тя купи́ну, ю́же в Сина́и, пропису́я,/ Моисе́й вели́кий неопальну ви́дядше,// Огнь во утробе нося́щу, Чи́стая, позна́хом.**

КАТАВА́СИЯ, ГЛАС 4:

Хор: **Седя́й в Сла́ве/ на Престо́ле Божества́/ во о́блаце лёгце,/ при́иди Ии́сус Пребоже́ственный,/ Нетле́нною Дла́нию/ и спасе́ зову́щия:// сла́ва, Христé, си́ле Твое́й.**

ПЕСНЬ 5:

КАНО́Н ВОСКРЕ́СНЫЙ, ГЛАС 6:

Ирмо́с: **Бо́жиим/ све́том Твои́м, Бла́же,/ у́треннюющих Ти ду́ши/ любо́вию озари́, молю́ся,/ Тя ве́дети, Сло́ве Бо́жий,/ и́стиннаго Бо́га,// от мра́ка грехо́внаго взыва́юща.**

Припев: **Сла́ва, Го́споди, свято́му Воскресе́нию Твоему́.**

Тропа́рь: **Уступают мне херувими ны́не,/ и пла́менное ору́жие, Влады́ко, плещи́ мне даёт,/ Ты ви́девше, Сло́ве Бо́жий, и́стиннаго Бо́га,// разбо́йнику путь сотво́ршаго в рай.**

Припев: **Сла́ва, Го́споди, свято́му Воскресе́нию Твоему́.**

Тропа́рь: **Не ктому́ бою́ся, е́же в зе́млю, Влады́ко Христé, возвраще́ния:/ Ты бо от земли́ мя возвёл еси́ забвённа,/ благоутро́бия ра́ди мно́гаго,// к высоте́ нетле́ния воскресе́нием Твои́м.**

Припев: **Пресвята́я Богоро́дице, спаси́ нас.**

Богоро́дичен: **И́же Богоро́дицу Ты от души́, Влады́чице ми́ра благая́,/ испо́ведующих спаси́:/ Тебе́ бо предста́тельство непобори́мое има́мы,// и́стинную Богороди́тельницу.**

КАНОН КРЕСТОВОСКРЭСНЫЙ, ГЛАС 6:

Припев: Сла́ва, Го́споди, Кресту́ Твоему́ честно́му и Воскресе́нию.

Тропа́рь: Сне́дию дре́ва во Еде́ме прельсти́выйся, в тлю поползэ́ родонача́льник, / преслу́шавый, Го́споди, за́поведи Твоя́, Преблагий: / но сего́ Крестом па́ки возвёл еси́ в пе́рвую добро́ту, // послушли́в Отцу́, Спа́се, бы́вый.

Припев: Сла́ва, Го́споди, Кресту́ Твоему́ честно́му и Воскресе́нию.

Тропа́рь: Твоею́ сме́ртию, Бла́же, сме́рти потреби́ся держа́ва, / исто́чник жи́зни нам исто́чи, и безсме́ртие дарова́ся: / сего́ ра́ди погребё́нию Твоему́ и воскресе́нию ве́рою покланя́емся, // и́мже, я́ко Бог, мир весь просвети́л еси́.

Припев: Пресвята́я Богоро́дице, спаси́ нас.

Крестобогоро́дичен: Жи́вий на небесе́х и Творе́ц всех Госпо́дь, / во Твою́, Всенепоро́чная, всели́ся неизрече́нно утробу́, / просла́вивый Тя, превы́шшую небес, / и святе́йшую чино́в не веще́ственных: // те́мже ны́не, и́же на земли́, Тя ублажа́ем.

КАНОН БОГОРО́ДИЦЫ, ГЛАС 6:

Припев: Пресвята́я Богоро́дице, спаси́ нас.

Тропа́рь: Чистото́ю возсия́вши све́тло, / Божество́нное пребыва́ние Влады́ки, Всепе́тая, была́ еси́. / Ты бо еди́на Ма́ти Бо́жия яви́лася еси́, // во объ́ятиих, я́ко младе́нца, Сего́ носи́вши.

Припев: Пресвята́я Богоро́дице, спаси́ нас.

Тропа́рь: Нося́щи добро́ту у́мную, красне́йшия Твоея́ души́, / Неве́ста Бо́жия была́ еси́, / запеча́тствована де́вством, Чи́стая, // и све́том чистоты́ мир просвеща́ющи.

Припев: Пресвята́я Богоро́дице, спаси́ нас.

Тропа́рь: Да рыда́ет собра́ние злочестивых, / не пропове́дающих Тя я́ве Чи́стую Богома́терь: / Ты бо врата́ Бо́жия све́та яви́лася еси́ нам, // мрак прегреше́ний разгоня́ющи.

КАНОН МУ́ЧЕНИКА КАЛЛИ́НИКА, ГЛАС 4:

Припев: Святы́й му́чениче Калли́ниче, моли́ Бо́га о нас.

Тропа́рь: В ти́ну поползся непостоя́нную, Го́споди, и во глубину́ грехо́в моих, / и в бу́рю лю́тых моих дея́ний впад, зову́ Ти: // Ты бу́ди ми Помо́щник.

Припев: Святы́й му́чениче Калли́ниче, моли́ Бо́га о нас.

Тропа́рь: Стопа́ми пригвожде́н ног, му́чениче, пел еси́: / в пу́ти свиде́ний Твои́х бога́тно наслади́хся, Влады́ко, // терпя́ ра́ны, Страстополо́жнице, наде́ждуею воздая́ний.

Сла́ва Отцу́, и Сы́ну, и Свято́му Ду́ху.

Тропа́рь: Мѣлости елеем ты, добре куплю содела́в муче́ния,/ свещу́ твою́ уясни́л еси́, преблаже́не,// те́мже весь был еси́ же́ртва непоро́чная, всесо́жже́ние приятно́.

И ны́не и прѣсно и во ве́ки веко́в, ами́нь.

Богоро́дичен: Проро́ков пропове́дание, и апо́столов похва́ло,/ и му́чеников удо́брене́ Ты еси́, Богоро́дице,/ Божество́нное Сло́во нося́щи па́че сло́ва, Пре́чи́стая,// е́же прѣ́жде век из Отца́.

КАТАВА́СИЯ, ГЛАС 4:

Хор: Ужа́сошася вся́ческая/ о Божество́нной сла́ве Твое́й:/ Ты бо, Неиску́собра́чная Де́во,/ имела́ еси́ во утробе́ над все́ми Бо́га/ и родила́ еси́ Безле́тнаго Сы́на,/ всем воспева́ющим Тя// мир подава́ющая.

ПЕСНЬ 6:

КАНО́Н ВОСКРЕ́СНЫЙ, ГЛАС 6:

Ирмо́с: Жите́йское мо́ре,/ воздвиза́емое зря напáстей бу́рею,/ к тѣхому при́ста́нищу Твоему́ прите́к, вопи́ю Ти:/ возведи́ от тли живо́т мой,// Мно́гомѣлостиве́.

Припев: Сла́ва, Го́споди, свято́му Воскресе́нию Твоему́.

Тропа́рь: Распина́емь, Влады́ко, гвоздьми́ у́бо,/ кля́тву ю́же на нас потреби́л еси́:/ копи́ем же пробода́емь в ребро́,// ада́мово рукописа́ние растерза́в, мир свободи́л еси́.

Припев: Сла́ва, Го́споди, свято́му Воскресе́нию Твоему́.

Тропа́рь: Ада́м низведе́ся, ле́стия запя́т быв, ко а́дове про́пасти:/ но и́же естество́м Бог же и мѣлостив,/ сшел еси́ на взыска́ние,// и на ра́му понес, совоскреси́л еси́.

Припев: Пресвята́я Богоро́дице, спаси́ нас.

Богоро́дичен: Пре́чи́стая Влады́чице,/ ро́ждшая челове́ком ко́рмчию Го́спода,/ страсте́й моѣх непостоя́нное и лю́тое утоли́ смуще́ние,// и ти́шину пода́ждь се́рдцу моему́.

КАНО́Н КРЕСТОВОСКРЕ́СНЫЙ, ГЛАС 6:

Припев: Сла́ва, Го́споди, Кресту́ Твоему́ честно́му и Воскресе́нию.

Тропа́рь: Христоуби́йца и пророкоуби́йца бысть евре́йское мно́жество:/ я́ко бо про́рки дре́вле, и́стины сущия́ та́йныя лучи́, уби́ти не убо́яся:/ си́це и ны́не Го́спода, егóже пропове́даху о́ни тогда́,/ за́вистию влекóми уби́ша,// но нам бысть живо́т умерщвле́ние Егó.

Припев: **Сла́ва, Го́споди, Кресту́ Твоему́ честному́ и Воскресе́нию.**

Тропа́рь: **Я**т был еси́, но не удержа́н, Спа́се, во гробе́,/ а́ще бо и волею́ вкуси́л еси́ сме́рти, Сло́ве,/ но воскресе́л еси́, я́ко Бог безсме́ртен,/ совоздвигну́вый у́зники су́щия во а́де,// и ра́дость жена́м вме́сто печа́ли пре́жняя, па́ки пре-мени́вый.

Припев: **Пресвята́я Богоро́дице, спаси́ нас.**

Богоро́дичен: **Б**езче́стен Твой и ску́ден яви́ся вид плотскі́й/ па́че челове́ков, во вре́мя стра́сти:/ и́бо Божества́ существо́м, красе́н добро́тою Дави́ду показáся:/ но жезло́м Твоего́ ца́рствия враго́в сотри́й кре́пость, глаго́лаше Чи́стая:// о Сы́не мой и Бо́же, от гроба́ воста́ни.

КАНО́Н БОГОРО́ДИЦЫ, ГЛАС 6:

Припев: **Пресвята́я Богоро́дице, спаси́ нас.**

Тропа́рь: **В**ели́кий преднаписа́ во проро́цех Моисе́й Тя,/ ковче́г, и трапéзу, и све́щник, и ру́чку,/ обра́зно назна́менуя воплоще́ние,// е́же из Тебе́ Вы́шняго, Ма́ти Де́во.

Припев: **Пресвята́я Богоро́дице, спаси́ нас.**

Тропа́рь: **У**мерщвля́ется сме́рть, и тле́ние упражня́ется/ Ада́мова осужде́ния, о Влады́чице!/ Плоду́ Твоему́ прирази́вшееся:/ Жизнь бо роди́ла еси́,// от истле́ния избавля́ющую пою́щих Тя.

Припев: **Пресвята́я Богоро́дице, спаси́ нас.**

Тропа́рь: **З**акон изнемо́же, и сень ми́мо и́де,/ па́че ума́ и смы́сла я́вльшейся ми бла-года́ти,/ е́же от Тебе́, Де́во, рождества́,// Бо́га и Спа́са, многопе́тая.

КАНО́Н МУ́ЧЕНИКА КАЛЛИ́НИКА, ГЛАС 4:

Припев: **Святы́й му́чениче Калли́ниче, моли́ Бо́га о нас.**

Тропа́рь: **С**та́да твоего́ огра́да невре́дна от звере́й соблюде́ся ересей́:/ твои́х бо страда́ний держа́щи, сла́вне, тве́рду па́лицу,// волко́в яви́ся отго-ни́тельница.

Припев: **Святы́й му́чениче Калли́ниче, моли́ Бо́га о нас.**

Тропа́рь: **Н**очь отбеже́ преле́сти страда́нием твои́м, и ве́ры добро́та возсия́,/ во испове́дании твоём, пресла́вне, Трои́цы поборо́ниче,// я́ко со́лнце, в концех́.

Сла́ва Отцу́, и Сы́ну, и Свято́му Ду́ху.

Тропа́рь: **Я́**ко ве́ры пропове́дник изве́стен, беззаконну́ющему вопия́ше гото́во:/ что прети́ши иму́щему не умягче́ну душе́вную тве́рдость?// Стре́лы бо без-бо́жных легки́.

И ныне и присно и во веки веков, аминь.

Богородичен: Пребываеши по рождестве, Неискусобращная, яко прежде рождества,/ Дева и Нетленная,/ ибо еже в Тебе таинство, Богоневесто, // паче ума всякаго и всего слова познавается.

КАТАВАСИЯ, ГЛАС 4:

Хор: Божественное сие и всечестное/ совершающе празднество,/ Богомудрии, Богоматере,/ приидите, руками восплещим, // от Нея рождшагося Бога славим.

ЕКТЕНИЯ МАЛАЯ...

КОНДАК ВОСКРЕСНЫЙ, ГЛАС 6:

Живоначальною дланию/ умершия от мрачных удобий,/ Жизнодавец воскресив всех Христос Бог,/ воскресение подаде человеческому роду:/ есть бо всех Спаситель, // Воскресение и Живот, и Бог всех.

ИКОС:

Крест и погребение Твое, Жизнодавче, воспеваем вернии, и покланяемся,/ яко ад связал еси, Безсмертне, яко Бог всеильный:/ и мертвыя со-воскресил еси, и врата смертная сокрушил еси,/ и державу адову низложил еси, яко Бог./ Темже земнороднии славословим Тя любовью, воскресшаго,/ и низложившаго вражью державу всепугубную,/ и всех воскресившаго в Тя веровавших,/ и мир избавльшаго от стрел змийных, // и от прелести вражия, яко Бог всех.

ПЕСНЬ 7:

КАНОН ВОСКРЕСНЫЙ, ГЛАС 6:

Ирмос: Росодательну убо пещь/ содела Ангел/ преподобным отроком,/ халдеи же опаляющее/ веление Божие/ мучителя увещая вопити:// благословен еси, Боже отец наших.

Припев: Слава, Господи, святому Воскресению Твоему.

Тропарь: Рыдающее во страсти Твоей солнце, во мрак облечеса,/ и во дни по всей, Владыко, земли свет померче, вопия:/ благословен еси Боже отец наших.

Припев: Слава, Господи, святому Воскресению Твоему.

Тропарь: Облекшася Христе схождением Твоим во свет преисподняя,/ праотец же веселия исполнь, явися ликовствуя, взыграся, вопия:// благословен еси, Боже отец наших.

Припев: Пресвятая Богородице, спаси нас.

Богородичен: Тобою, Мати Дево,/ свет возсия всей вселенней светлый:/ Зиждителя бо Ты всех родила еси Бога,/ Егоже проси, Всечистая, // нам низпослати

вѣрным вѣлию мѣлость.

КАНО́Н КРЕСТОВОСКРЕ́СНЫЙ, ГЛАС 6:

Припев: Сла́ва, Го́споди, Кресту́ Твоему́ честно́му и Воскресе́нию.

Тропа́рь: О страна́го о́браза! / Изра́иля Избавле́й от рабо́ты фарао́нския, / распина́ется во́лею от него́, / и разреша́ет вери́ги согреше́ний. / Ему́же ве́рою поём:// изба́вителю Бо́же, благослове́н еси́.

Припев: Сла́ва, Го́споди, Кресту́ Твоему́ честно́му и Воскресе́нию.

Тропа́рь: Тебе́, Спа́са, на ло́бнем распя́ша пребеззако́нных о́троцы нечесті́вии, / врата́ ме́дная и вере́й сломи́вшаго, / во спасе́ние нас, пою́щих:// изба́вителю Бо́же, благослове́н, еси́.

Припев: Пресвята́я Богоро́дице, спаси́ нас.

Богоро́дичен: Ё́вы дре́вняя свобождѣ́ние, ро́ждшая, от кля́твы, / разреша́еши Ада́ма, Де́во Чи́стая. / Те́мже со а́нгелы Тя, с Сы́ном Твои́м поём и вопи́ем:// изба́вителю Бо́же, благослове́н еси́.

КАНО́Н БОГОРО́ДИЦЫ, ГЛАС 6:

Припев: Пресвята́я Богоро́дице, спаси́ нас.

Тропа́рь: Ю́нош три́ех пещь не опали́, рождество́ прообразу́ющих Твое́: / боже́ственный бо огонь Тебе́ не опали́в, всели́ся в Тя, / и вся научи́ вопи́ти:// благослове́н еси́, Бо́же отец на́ших.

Припев: Пресвята́я Богоро́дице, спаси́ нас.

Тропа́рь: Блажа́т концы́ Тя, Всечи́стая Ма́ти, я́коже прорекла́ еси́, / просвеща́еми светолу́чными сия́ньми Твои́ми, / и благода́тию пою́ще, вопи́ют:// благослове́н еси́, Бо́же отец на́ших.

Припев: Пресвята́я Богоро́дице, спаси́ нас.

Тропа́рь: Па́губныя у́бо зу́бы в мя вонза́ зми́й лука́внейший: / но сам Твой, Богома́ти, сокруши́ Сын, / кре́пость же мне даде́ вопи́ти:// благослове́н еси́, Бо́же отец на́ших.

КАНО́Н МУ́ЧЕНИКА КАЛЛИ́НИКА, ГЛАС 4:

Припев: Святы́й му́чениче Калли́ниче, моли́ Бо́га о нас.

Тропа́рь: Сла́дости мне хода́тайственна суть мук страши́лица, // ни бо огонь, ни ра́ны и́стиннаго Рачи́теля моего́, – му́ченик вопия́ше, – разлуча́т мя.

Припев: Святы́й му́чениче Калли́ниче, моли́ Бо́га о нас.

Тропа́рь: Вжи́ляемь, сла́вне, посóбием Хри́стовым, / на зе́млю сопроти́воборца́, побори́в, низве́ргл еси́ // и тезоимени́т яви́лся еси́ на мучи́теля добропобе́дник.

Сла́ва Отцу́, и Сы́ну, и Свято́му Ду́ху.

Тропа́рь: Диа́вола посрамы́л еси́, и А́нгелы возвесели́л еси́ страда́нии твои́ми, сла́вне,/ и Христу́ взыва́л еси́:// благослове́н еси́, еди́н сый Бо́же оте́ц на́ших.

И ны́не и при́сно и во ве́ки веко́в, ами́нь.

Богоро́дичен: Разреши́ла еси́ рождество́м Твои́м, Де́во Пречи́стая, Ё́вы прамáтере кля́тву:// Ма́ти бо еси́ всех Влады́ки, Я́же всем ра́дость исходáтаивши.

КАТАВА́СИЯ, ГЛАС 4:

Хор: Не послужи́ша тва́ри Богому́дрии/ па́че Созда́вшего,/ но, о́гненное преще́ние му́жески попра́вше,/ ра́довахуся, пою́ще:// препе́тый отце́в Госпо́дь и Бог, благослове́н еси́.

ПЕСНЬ 8:

КАНО́Н ВОСКРЕ́СНЫЙ, ГЛАС 6:

Ирмо́с: Из пла́мене преподо́бным ро́су источи́л еси́,/ и пра́веднаго же́ртву водо́ю попали́л еси́:/ вся бо твори́ши, Христе́, то́кмо е́же хоте́ти.// Тя превозно́сим во вся ве́ки.

Припев: Сла́ва, Го́споди, свято́му Воскресе́нию Твоему́.

Тропа́рь: Иуде́йския дре́вле пророкоуби́йцы лю́ди,/ богоуби́йцы за́висть ны́не соде́ла,/ Тебе́ на крест возне́сшия, Сло́ве Бо́жий:// Егóже превозно́сим во вся ве́ки.

Припев: Сла́ва, Го́споди, свято́му Воскресе́нию Твоему́.

Тропа́рь: Небе́снаго кру́га не оста́вил еси́,/ и во ад соше́д, всего́ совоздвигл еси́/ лежа́щаго во гно́ищи, Христе́, челове́ка,// Тя превозно́сяща во вся ве́ки.

Припев: Пресвята́я Богоро́дице, спаси́ нас.

Богоро́дичен: От Све́та Светода́вца Сло́ва зачала́ еси́,/ и ро́ждши неизрече́нно Сего́, просла́вилася еси́:/ Ду́х бо в Тя, Отрокови́це, Бо́жий всели́ся.// Те́мже Тя поём во вся ве́ки.

КАНО́Н КРЕСТОВОСКРЕ́СНЫЙ, ГЛАС 6:

Припев: Сла́ва, Го́споди, Кресту́ Твоему́ честно́му и Воскресе́нию.

Тропа́рь: Ужасе́ся всяк слух,/ ка́ко Вы́шний волею при́иде на зе́млю,/ а́дову кре́пость разруши́ти крестом и погребе́нием,/ и вся воздвигну́ти зва́ти:/ о́троцы благослови́те, священни́цы воспойте,// лю́дие превозно́сите во вся ве́ки.

Припев: Сла́ва, Го́споди, Кресту́ Твоему́ честно́му и Воскресе́нию.

Тропа́рь: Преста́ а́дово мучи́тельство,/ и ца́рство уничи́жися прóчее,/ на кресте́ бо на земл́и водрузи́вся, я́же над все́ми Бог,/ сего́ могу́тство низложи́./ Егóже о́троцы благослови́те, священни́цы воспойте,// лю́дие превозно́сите во вся

вѣки.

Припев: **Сла́ва, Го́споди, Кресту́ Твоему́ честному́ и Воскресѣнию.**

Тропа́рь: **О** неизрече́ннаго Твоего́, Христѣ, человеколю́биа, и неизглаго́ланных благ!/ Мене́ бо ви́дя погиба́юща во а́дове темни́це,/ стра́сти претерпе́вый изба́вил еси́./ Те́мже Тя благослови́м, всех Влады́ку,// и превозно́сим во вся вѣки.

КАНО́Н БОГОРО́ДИЦЫ, ГЛАС 6:

Припев: **Пресвята́я Богоро́дице, спаси́ нас.**

Тропа́рь: **П**озлаще́ною ри́зою, я́коже Цари́цу, Сын Твой просвети́в зарею́ Ду́ха,/ Тебе́ одесну́ю Себе́ поста́ви, Пречи́стая:// Его́же превозно́сим во вся вѣки.

Припев: **Пресвята́я Богоро́дице, спаси́ нас.**

Тропа́рь: **И**же хоте́нием еди́ным мир водрузи́вый,/ от пречи́стыя Твоея́ утробы́ плоть взѣмлет,/ свѣ́ше сию́ наздáти хотя́:// Его́же превозно́сим во вся вѣки.

Припев: **Пресвята́я Богоро́дице, спаси́ нас.**

Тропа́рь: **С**четáнием Сло́ва ко мне, челове́ку,/ Божѣ́ственное жили́ще была́ еси́, Пречи́стая,/ просия́вши я́ве дѣвства́ свѣтлостію:// те́мже Тя поѣм во вся вѣки.

КАНО́Н МУ́ЧЕНИКА КАЛЛИ́НИКА, ГЛАС 4:

Припев: **Святы́й му́чениче Калли́ниче, моли́ Бо́га о нас.**

Тропа́рь: **Р**áдуйся, наслажде́ние страда́льцев и́стинных;/ рáдуйся, удобрѣ́ние ве́ры и украше́ние;/ рáдуйся, пресвѣ́тлый му́чеников светонóсец, и́же лествь разо́рив страда́нием твои́м// и свет просия́вый мірови, Калли́ниче премудре.

Припев: **Святы́й му́чениче Калли́ниче, моли́ Бо́га о нас.**

Тропа́рь: **М**учи́тель посрами́ся по́двиги твоего́ противле́ния,/ побежде́ни бы́ша злоде́и рáнами твои́ми, блаженне./ Гвоздьми́ пята́ твоя́ уязви́шася,/ преле́сть же попалі́ся вся, и потреби́шася и́дольстии хра́ми, Богому́дре,// огне́м страда́ния твоего́.

Благослови́м Отца́, и Сы́на, и Свята́го Ду́ха, Го́спода.

Тропа́рь: **О** чту́щих тя к Бо́гу твои́м дерзнове́нием, Калли́ниче,/ прекло́нся, моли́ непреста́нно,/ ста́ду твоему́ предста́ни, изымáя сие́ от разли́чных се́тей льсти́ваго, и утверди́ ве́рою:// тобо́ю бо растѣ́т и крепи́тся.

И ны́не и прі́сно и во вѣки веко́в, ами́нь.

Богоро́дичен: **Ду́хом проро́цы Тя, Дѣву, прообрази́ша:/ сень же, и трапѣзу, и рúчку, и свѣщник, и го́ру пресвяту́ю,/ и о́блак, и скрижа́ли, ковче́г же, и жезл, и дверь**

Божественну, // ёюже всем человеком отвёрзеса дрэвний рай.

КАТАВА́СИЯ, ГЛАС 4:

Хор: Хва́лим, благослови́м, покланя́емся Го́сподеви, пою́ще и превозно́сяще во вся ве́ки.

О́троки благочести́выя в пе́щи/ Рожде́ство Богоро́дичо спасло́ есть;/ тогда́ у́бо образу́емое,/ ны́не же де́йствуемое,/ вселенну́ю всю воздви́зает пе́ти Тебе́:/ Го́спода по́йте, дела́, // и превозно́сите Его́ во вся ве́ки.

Диакон: Богоро́дицу и Ма́терь Све́та в пе́снях возвели́чим.

ПЕСНЬ ПРЕСВЯТО́Й БОГОРО́ДИЦЫ...

ПЕСНЬ 9:

КАНО́Н ВОСКРЕ́СНЫЙ, ГЛАС 6:

Ирмо́с: Бо́га/ челове́ком не возмо́жно ви́дети,/ на Него́ же не сме́ют чи́ни А́нгельстии ви́зрати;/ Тобо́ю бо, Всечи́стая, яви́ся челове́ком/ Сло́во воплоще́нно,/ Его́ же велича́юще,/ с Небе́сными вои// Тя ублажа́ем.

Припев: Сла́ва, Го́споди, свято́му Воскресе́нию Твоему́.

Тропа́рь: Страсте́й неприча́стен Ты пребы́л еси́, Сло́ве Бо́жий,/ плоти́ю приобщи́вся страсте́м:/ но реши́ши от страсте́й челове́ка,/ страсте́м быв страсть, Спа́се наш:// еди́н бо еси́ безстра́стен, и всеси́лен.

Припев: Сла́ва, Го́споди, свято́му Воскресе́нию Твоему́.

Тропа́рь: Тлю сме́ртную прие́м, тле́ния соблю́л еси́ те́ло Твое́ невку́сно,/ Твоя́ же животворя́щая и божественная, Влады́ко, душа́, во а́де не оста́влена бысть:// но я́коже от сна воскресе́с, нас совоздвиѓл еси́.

Припев: Пресвята́я Трои́це, Бо́же наш, сла́ва Тебе́.

Тро́ичен: Бо́га Отца́, Сы́на собезнача́льна,/ вси челове́цы устнами́ у́бо чистыми сла́вим,/ неизреченну́ю же и преславну́ю Ду́ха Всесвятаго́ силу́ чтим:// еди́на бо еси́ всеси́льная Трои́ца неразлучная.

КАНО́Н КРЕСТОВОСКРЕ́СНЫЙ, ГЛАС 6:

Припев: Сла́ва, Го́споди, Кресту́ Твоему́ честно́му и Воскресе́нию.

Тропа́рь: А́ще и во гроб соше́л еси́ я́ко мертв, Жизнода́вче,/ но а́дову крѣпость разруши́л еси́, Христе́,/ совоздвиѓнув ме́ртвыя, я́же и поглоти́л,/ и воскресе́ние всем по́дал еси́, я́ко Бог, // ве́рою и любóвию Ты велича́ющим.

Припев: Сла́ва, Го́споди, Кресту́ Твоему́ честно́му и Воскресе́нию.

Тропа́рь: Да ра́дуется тварь, и да процветѣт я́ко крин:/ Христóс бо от ме́ртвых воста́, я́ко Бог./ Где Твое́, сме́рте, ны́не жа́ло, воззовѣм?/ Где Твоя́, а́де, по-

бѣда?/ Низложѣ Тя в зѣмлю,// Возвысивый рог наш, яко благоутрѣбен.

Припев: Пресвятая Богородице, спаси нас.

Крестобогородичен: Нѣсиши Носѣющаго вся,/ и держиши, яко Младѣнца, в руках,/ из рукѣ избавляющаго нас борителя врага, Пречѣстая Владычице,/ и видиши на крест дрѣва возвышаема,// от рова злѣбы нас возвысивша.

КАНОН БОГОРОДИЦЫ, ГЛАС 6:

Припев: Пресвятая Богородице, спаси нас.

Тропарь: Звѣзда сияющи зарѣми Божества от Иакова,/ от мрака содержимым возсия:/ Тобѣю бо, Всечѣстая, Христѣс Бог Слово воплощенно:// Имже просвѣщаеми, с небесными вои Тя ублажаем.

Припев: Пресвятая Богородице, спаси нас.

Тропарь: Укреплься силою Твоею и благодатию,/ Тебѣ песнь усердно от сердца возложих:/ но сию приими, Дѣво Чѣстая,/ благодать воздающи Твою многосвѣтлую,// от нетленных сокровищ, богоблаженная.

Припев: Пресвятая Богородице, спаси нас.

Тропарь: Поста́в показáлася еси́ я́ве Божества́,/ в нёмже ризу телесé Слово исткá,/ богосодѣлав мой, Дѣво, зрак:/ в него́же облѣкся, всех Спáсе,// от смýсла чýста Тебѣ величáющих.

КАНОН МУЧЕНИКА КАЛЛИНИКА, ГЛАС 4:

Припев: Святы́й мучениче Каллини́че, моли́ Бѣга о нас.

Тропарь: Исткáся тебѣ свýше риза вѣры,// ёю́же обнажил еси́ врага́ на суди́щи, мучени́че слáвне.

Припев: Святы́й мучениче Каллини́че, моли́ Бѣга о нас.

Тропарь: Непщевáше мучитель прельстíti ласкáньми мученика,// но той в вѣре утвержда́шеся.

Слáва Отцý, и Сы́ну, и Свято́му Дýху.

Тропарь: Чýсто всесо́жжение и прѣятна жѣртва,// Каллини́че слáвне, огнём пѣдвигов принѣслся еси́ Бѣгу.

И ны́не и прѣсно и во вѣки веко́в, ами́нь.

Богородичен: Покрѣв Тя стя́жэхом, и пристáнище, Чѣстая, и ору́жие, и забра́ло,// и твёрду наде́жду в бѣдáх прѣсно.

КАТАВА́СИЯ, ГЛАС 4:

Хор: Всяк земно́родный/ да взыгра́ется, Дýхом просвѣща́емь,/ да торже́ству́ет же Безплѣ́тных умѣв естество́,/ почита́ющее свяще́нное торже́ство Богома́тере,/ и да вопи́ет:/ ра́дуйся, Всеблаже́нная,// Богороди́це,

Чыстая Приснодэво.

ЕКТЕНІЯ МАЛАЯ...

ЕКСАПОСТИЛАРИЙ ВОСКРЭСНЫЙ СЕДЬМОЙ:

Яко взяша Гóспода, Маріи рéкшей,/ на гроб течáста, Сíмон Петр,/ и дру-
гій тайнник Христóв, егóже любляше:/ течáста же óба, и обретóста плаща-
ницы едíны внутрь лежáща,/ и главнóй же бе судáрь кромé их./ Тémже
пáки умолчáста,// дóндеже Христá вíдеста.

**Слáва Отцú и Сýну и Святóму Дúху и нýне и прíсно и во вéки векóв.
Амíнь.**

БОГОРÓДИЧЕН ВОСКРЭСНОГО ЕКСАПОСТИЛАРИЯ:

Вéлия и преслáвная менé рáди содéял есí,/ Христé мой много-
мíлостиве:/ от Дéвы бо Отроковíцы родíлся есí несказáнно,/ и крест
подъял есí, и смерть претерпéв,/ воскресл есí во слáве,/ и нáше естество́ от
смéрти свободíл есí./ Слáва, Христé, слáве Твоéй,// слáва сíле Твоéй.